

Ngwuja'ri ngwanni ngwullu je Yuwana gi'ra rom

Äni kitabanu

Ngwuja'ri ngwee ngwobla goranu, ngwuru nono ngwullu je doo'ra dükäjäär je dani Yuwana gididlä danni diru 'dä tudini kwo'rongo (90). Nginde gwullu nunnu gwuru doo'ra didi gi'doonga gidi ngwikirijin ngwucung je, "Daw danni däbräär na yiji yüngün" (1.1).

Yuwana gwudiwayinya ngwikirijinä aar gwuji 'dengenacing ngwuja'ri ngwudi Ngwaalu aar eelle ämnäjidi gwe (1.5-6). Ngwuje girinya ndi ari aa'ti la äti yi'ral yere ngwoortanga le ngwanni ngwati obe 'didanung gwani Kirctu gora ge (1.7-11).

Yajang yidi ngwuja'ri

1. Aganni (1.1-3)
2. 'Dengenaci ngwuja'ri ngwudi Ngwaalu (1.4-6)
3. Arngani gwani ngwoorta ngwuru ngwu'duru (1.7-11)
4. Aganni gwudi mī'rä (1.12-13)

Aganni

¹ Ngwuja'ri ngwee ngwändi 'dünggüny gwanni gwuru mbumbu.

Ngwükäci nje dayu danni däbrä Ngwaalu yiji ye yüngün lanni lati nje änni 'didanu gwe, na äny gwä'tüdi jücü 'dogo gwanni gwata je änni,

a be 'dar lanni lilīngīdī 'didanung lata je ämñī 'to.

² Ndi ari 'didanu nggwo 'dengganu na gwadi gu ji 'dengganu gwur'tal.

³ Aar nje Ngwaalu ngwanni ngwuru Papa na Yicu Kirictu Giji gidi Papa, ätä yīmī'rā na inā na adatalu aar nje gu ji 'didanu gwe na ämñī gwe.

Ellele Ämñäjädi gwe

⁴ Äny gwujayanu gwulleny ndi mbuji ndi ari yiji yoko yunga giyo yati ellele 'di'didanu gwe, anaku ondacaar nje gu Ngwaalu ngwuru Papa.

⁵ A no, nggwa ang otacalu gwani daw ndi ari ar ämñäjädi, ngwuja'ri ngwee ngwä'tüdi ngwuyang ngwee ngwüllijä je, ngwuru ngwuja'ri ngwanni ngwu'dinginar je 'tu'tu gwerre. Nggwutalu ndi ari ar ämñäjädi.

⁶ A ämñäjädi gwuru nggwee, gwanni gwondaca je gwe gwani ndi ari ar ellele 'dengenaci gwe Ngwaalinga ngwuja'ri ngwüngün. Ngwuja'ri anaku 'dingina je gu 'dar 'tu'tu gwerre, ngwuru ndi ari ellellar ämñäjädi gwe.

Arnganar Ngwu'duru

⁷ Ngwu'duru ngwonyadu ngwo ngwuma badalu 'dar gidīdlä, ngwuru ngwüji ngwanni ngwati 'donya ndi ari Yicu Kirictu gwüllü ngwuru lingenno lidi diji dämnä. Diji diru gu no, di'duru diru ngwuru güwän gidi Kirictu.

⁸ Yäy gu no ge'tar be ngwäyälü ngaa arngani ndi ari aa'ti ya je doda yanni yäpäda gu yiiru, ngaa be mbuji manni gu'ru galu ku.

⁹ Gwere gwanni gwati 'ti mätinälü ngwuja'ri ngwudi Kirictu ngwuje be dambalu ngwuja'ri

ngwe ngwudi ligo'ro lüngün, gwa'ti äti Ng-waalinga. Gwanni gwati mätinälü ngwuja'ri ngwudi Kirictu, gwäti Papang je Gijä ge 'dün.

¹⁰ A be no, manari gwere gwanni gwata je ilijä ngwuja'ri ngwe ngwä'tüdi ngwudi Yicu, aa'ti gwa aang ülläjälü 'dunu 'danggalu na aa'ti gwa aang aganni.

¹¹ Ndi ari gwere gwanni gwadi aganni, gwa aar gwe emadi giyi'ralanu yanni yiki yanni yating je ärrä.

Mi'rä

¹² Äny gwäti ngwuja'ri ngwonyadu ngwada je üllijä, a be ngwa'ti nje minä ndi ulla kwarganu na galam ge, nyi be manni ge'te kay ndi ila 'danggalu nga je ondaci ngwäyälü. A no, a jayi mbuti aar jayanu 'dar gwüpäng.

¹³ Yijä yidi gera giru gwanggalu ganni gäbrä Ngwaalu, yagannanga.

Laro Bible (Bible)
Laro NT

copyright © 2020 Wycliffe Bible Translators, Inc.

Language: (Laro)

Contributor: ECS Diocese of Khartoum Translation Department

This text box needs to have content for PT9 to upload is to the DBL.
All rights reserved.

2020-11-19

PDF generated using Haiola and XeLaTeX on 18 Apr 2025 from source
files dated 29 Jan 2022

80c639f7-4569-5ffa-a77d-5df4c223631f